

nacea intercalata angusta instructæ; sinu anali obsoleto; campo anteriore angusto. Lamina supra-analis producta, incisa. Cerci apice anguste producti. Abdominis segmenta ♀ angulis acutis.

c. Pronoti discus fusco-marmoratus. Abdomen subtus fuscum, flavido-limbatum.—
6. *azteca*, Sss.

cc. Pronotum totum subtiliter fusco-punctulatum.

d. Abdomen et pedes subtus subtiliter dense fusco-punctulata. Lamina supra-analis valde prominula. Alarum campus anterior angustissimus.—[7. *caraibea*, sp. n.]

dd. Major. Pedes haud dense fusco-punctulati; coxæ posticæ ♀ et venter utrinque granulosa. Lamina supra-analis parum prominula. Alarum campus anterior latior.—[8. *burmeisteri*, Guér].

bb. quam oculorum latitudo fere duplo latior. Alæ campo anteriore latiore apice prominulo, incisura anali distincta, area intercalata nulla. Lamina supra-analis transversa, haud bilobata. Cerci apice obtusiores.—[9. *latifrons*, sp. n.]

II.

a. Penultima spina marginis antici femorum anticorum distincte quam ultima plus quam dimidio brevior vel illi paulo brevior. PÆCILODERRHIS, Stål.—1. *crassa*; [2. *imitatrix*]; 3. *mexicana*; [4. *fallax*]; 5. *conspersa*; 6. *azteca*; [7. *caraibea*]; [8. *burmeisteri*].

aa. Penultima spina marginis antici femorum anticorum minutissima. EPILAMPRA, Stål*.—[9. *latifrons*.]

III.

a. Lamina supra-analis brevis, transversa, haud prominula, margine posteriore transverse arcuato.
1. *crassa*; [2. *imitatrix*]; [9. *latifrons*].

aa. Lamina supra-analis prominula, rotundata, incisa.—*reliquæ species*.

IV.

a. Campus analis elytri apice acutus.—3. *mexicana*; [4. *fallax*]; 6. *azteca*; [7. *caraibea*]; [8. *burmeisteri*]; [9. *latifrons*].

aa. Campus analis apice obtusior, vena analis fere perpendiculariter vel sub angulo parum acuto in margine suturali incidente.—1. *crassa*; [2. *imitatrix*]; 5. *conspersa*.

1. *Epilampra crassa*, Sauss. (Tab. IV. fig. 37.)

Epilampra crassa, Sauss. Rev. et Mag. de Zool. 1868, p. 99. 11 (♀); Miss. Scient. Mex., Orthopt. p. 80. 3.

♀. Flavo-fulva vel rufescens; crassa. Caput prominulum, facie media et fronte inter oculos fuscis. Oculi invicem quam ocelli magis remoti; vertex inter illos quam eorum latitudo fere duplo latior. Pronotum sparse nigro-punctulatum; pictura discoidali marmorata, obsoleta, fusca; marginibus lateralibus valde deflexis. Elytra abdomen vix superantia, ubique remote fusco-rufo-punctulata, campo discoidali maculis minutis 5–6 remotis. Alæ leviter fusco-nebulosæ, campo anteriore fulvescente, in area ulnari ultra medium maculis minutis 3–4 obscurioribus obsoletissimis. Hic latus, campum posteriorem vix superans,

* This section is not an Oriental one only, as Stål supposed; it occurs also in America.